



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Matthaei Tympii Aureum Specvlvm Principvm,
Consiliariorvm Ivdicvm, Consvlvm, Senatorvm, Et Aliorvm
Magistratvum Cvm Ecclesiasticorum tum Politicorum
omnium**

Tympe, Matthäus

Coloniae Agrippinae, 1617

68 Religionem Catholicam strenuè propugnare.

[urn:nbn:de:hbz:466:1-52641](https://nbn-resolving.org/urn:nbn:de:hbz:466:1-52641)

traditam sibi Remp. erit consonantia quædam bona, omne quidquid vtilis est humano confertur generi. Nos igitur maximam habemus sollicitudinem circa vera Dei dogmata, & circa Sacerdotum honestatem, quam illis obtinentibus, credimus, quia per eam maxima nobis dona dantur à Deo, & ea, quæ sunt (adepta,) firma habebimus, & quæ nondum hæcenus venerunt, acquiramus, & c. Ad hæc, quod probè sciret spem omnem Ecclesiasticæ disciplinæ in eo esse repositam, si qui præsumunt Ecclesijs, Sacerdotes, à quibus sunt illi illustrandi, ipsi sint superna luce respersti, in hoc laborans, vt præscriptæ de his à Patribus Leges seruantur, subiungit: Sancimus igitur, sacras per omnia sequentes Regulas, & c. significans, quæ sacris essent Canonibus constituta, seruanda se proponere: non autem de personis vel rebus Ecclesiasticis ferre legem. Et inter alia multa, cohærentes vxori arceri voluit à Sacris Ordinibus. *Baron. Tom. 7. Anno Christi*

SIGNVM LXVIII.

RELIGIONEM CATHOLICAM

strenuè propugnare, & propagare.

Exat lib. 1. Cod. de Summa Trinit. Gratiani, Valentis & Theodosij Imperatorum hæc Constitutio: Cunctos populos, quos Clementiæ nostræ regit imperium, in tali volumus religione versari, quam D. Petrum Apostolum tradidisse Romanis religio vsque adhuc ab ipso insinuata declarat.

Constantinus Magnus scribit ad Celsum Africæ

Kkk 4

fricæ

fricæ Vicarium: (apud *Baron. Anno Christi 316.*) Nequaquam me aliter maximū reatum effugere posse credo, quā ut hoc, quod improbè fit, minime existimè dissimulandum: cum nil potius à me agi pro instituto meo, ipsiusq; Principis munere oporteat, quā, ut disculis erroribus, omnibusq; temeritatibus amputatis, verā Religionē vniuersos, concordemq; simplicitatē atq; meritā Omnipotenti Deo culturā præsentare perficiā. *Isaie 49. Erūt Reges nutritij tui, & Regina nutrices tua.* Religio est vinculū Imperij, cōseruans, & dissolvens.

3. *Theodosius Imp.* in Nouella de Iudicijs, ita loquitur: Inter cæteras sollicitudines, quas amor publicus peruigili cogitatione nobis induit, præcipuam Imperatoriæ Maiestatis curam esse perspeximus veræ Religionis indaginem, cuius cultum si tenere potuerimus, iter prosperitatis humanis aperimus inceptis.

4. *Iustinianus in Nouella de Episcopis* ait: Nos omni prouidentia curā Ecclesiarum gerimus, per quas & Imperium nostrum sustineri, & publicas res per clementiam Dei & gratiam muniri existimamus.

5. *Carolus Magnus, apud Sigonium lib. 4. de Regno Italia,* ait: Si Ecclesiarum Dei seruis Magnificentiā nostram impertimus, eorumq; studijs libenter obsequimur, id nobis ad Augustalis Excellentię culmen proficere credimus, & quod cunctis pretiosius est dignitatibus, æternum retributionis præmium capessere non diffidimus.

6. Reges Franciæ, Angliæ, Hungariæ, Poloniæ, dum Regno inaugurantur, hoc in primis iuramentandō promittunt, se fidei Catholicæ Romanæ assertores & vindices futuros, Ecclesiam que & pacem

pacem perpetuam defensores. Quanta autem cū
 felicitate Remp. gubernariæ Principes & Magi-
 stratus, quotquot verè fuerunt Catholici, lege
 in Theatro meo Historico. Poenas Religionem &
 Ecclesiam oppugnantium, vide in Theatro Vin-
 dictæ Diuinæ.

SIGNVM LXIX.

NULLAM ALIAM TOLERARE RELI-
 gionem, quàm Catholicam Romanam, ac
 proinde Hereses, quoad fieri potest,
 extirpare.

S. Augustinus, exponens verba Davidis Regis
 ad Reges, Psalm. 2. *Servite Domino in timore,*
 ait: Quomodo Reges seruiunt *in timore*, nisi ea,
 quæ contra iussu Domini fiunt, religiosa seueri-
 tate prohibendo, atque plectendo; aliter enim
 seruit, quia homo est: aliter, quia etiam Rex est.
 Quia homo est, ei seruit viuendo fideliter: quia
 verò etiam Rex est, seruit Leges, iusta præcipien-
 tes, & contraria prohibentes, conuenienti rigo-
 re sanciendo.

Hinc omnes pij & Deo chari Reges in Veteri
 Testamento Idololatriam & quidquid veræ Re-
 ligioni aduersabatur, diligenter propulsarunt. In
 Nouo Testamento Christus Hæreticos appellat
 Pseudopphetas, lupos rapaces, fures, & latro-
 nes. (Matth. 7. 15.) D. Paulus, (2. Cor. 11. 13. 2. Tim. 3.
 4. Tit. 3. 11.) operarios subdolos, blasphemos, sce-
 lestos, proditores, proprio iudicio cōdemnatos.
 S. Petrus, seruos corruptionis, eorumque doctri-
 nam sectas perditionis, quibus se, aliosque per-
 dant.